

90 þingstaðarins, eftir því sem henta þykir. Síðan verði lögð áherzla á, að auka trjá-
12. júní gróður í Þingvallaskógi og á Brúsastöðum.

9. gr.

Megináherzla verði lögð á það, að sjóðstjórnin hafi sem mest af trjáplöntum handbærar til gróðursetningar, enda leiti hún aðstoðar æskulýðsfélaga og annarra um hvers konar aðstoð, sem gæti aukið og byggt skógrækt í þjóðgarði Þingvalla og á Brúsastöðum.

Reykjavík, 18. marz 1944.

Jón Guðmundsson.

91

14. júní

SAMÞYKKTIR

fyrir Sparisjóð Flateyjarhrepps.

1. gr.

Sjóðurinn heitir Sparisjóður Flateyjarhrepps og er eign Flateyjarhrepps í Þingeyjarsýslu. Heimili og varnarþing er í Flatey.

2. gr.

Trygging fyrir innstæðufé og öðrum kröfum á sjóðinn er: 1. Varasjóður sjóðsins og aðrar eignir hans. 2. Þá ábyrgist Flateyjarhreppur skuldbindingar sjóðsins, þó aldrei yfir kr. 3000.00.

3. gr.

Sparisjóðurinn starfar sem sjálfstæð stofnun með sérskildum fjárhag og leggst ágóði sá, sem kann að verða á rekstri hans, í varasjóð. Þegar landslög leyfa og ástæður eru til má verja fé úr varasjóði til menningarmála og til nytsemdarfyrirtækja í Flateyjarhreppi, ef ákvörðun um það er samþykkt af meiri hluta stjórnar sjóðsins, enda komi samþykki ráðuneytisins til.

Hætti sjóðurinn störfum, skal verja eignum hans á sama hátt.

4. gr.

Stjórn sjóðsins skipa þrír menn. Skal einn þeirra kosinn af hreppsnefnd Flateyjarhrepps, annar af starfandi stjórn sjóðsins og hinn þriðji af sýslunefnd Þingeyjarsýslu. Kosning stjórnar gildir til fjögurra ára. Varamenn skulu kosnir af sömu aðilum og gildir kosning þeirra einnig í fjögur ár.

5. gr.

Stjórn sjóðsins heldur aðalfund fyrir apríllok ár hvert. Er hann því aðeins lögmætur, að allir meðlimir stjórnarinnar séu mættir, en samþykktir allar gilda, sem ná meiri hluta atkvæða. Breytingar á samþykktum sjóðsins ná þó ekki gildi fyrr en þær hafa verið samþykktar af hreppsnefnd Flateyjarhrepps og staðfestar af ráðuneytinu.

Á almennum hreppsfundi í júní ár hvert skulu endurskoðaðir reikningar sjóðsins lagðir fram til samþykktar, ákveðin vaxtakjör sjóðsins á komandi ári, þóknun til stjórnar og endurskoðenda og málefni sjóðsins rædd eftir því, sem ástæður þykja til.

6. gr.

Um kosningu endurskoðenda fer eftir því, sem landslög mæla fyrir.

7. gr.

91

14. júní

Stjórnin kýs sér formann, ræður starfsmenn sjóðsins og setur þeim starfsreglur, sér um að bókhald sé glögg og í samræmi við gildandi fyrirmæli og fjárreiður sparisjóðsins alltaf í góðu lagi.

Deyi stjórnarnefndarmaður eða flytji burtu úr hreppnum tekur varamaður sæti hans.

Stjórn og starfsmenn mega ekki taka lán úr sjóðnum eða ábyrgjast þau fyrir aðra.

8. gr.

Sparisjóðurinn tekur á móti innlánsfé og ávaxtar það. Vextir greiðast frá innleggsdegi og færast í viðskiptabækur um hver áramót.

Nýir innleggjendur fá löggilta viðskiptabók með númeri og nafni fyrir sanngjarnt verð, þegar þeir byrja viðskiptin. Skila skulu þeir bókinni þegar hún er útskrifuð og fá þeir þá nýja bók ókeypis, af þeir halda viðskiptum áfram. Þegar viðskiptum er lokið verður bókinn ógild og eign sjóðsins.

Sparisjóðurinn áskilur sér rétt til að neita að taka á móti innstæðufé, svo og að segja því upp til útborgunar, en það skal jafnan gert með ábyrgðarbréfi. Hefur stjórn sjóðsins um þetta úrskurðarvald. Innstæðufé í sparisjóðsbókum skal greiða þá er viðskiptabók er framvísað og er það ekki á ábyrgð sjóðsins þó handhafi bókarinnar hafi ekki haft leyfi eiganda hennar, sbr. þó síðustu málsgrein 10. gr. laga nr. 69 frá 1941. Sparisjóðurinn er þó ekki skyldur að greiða hærri upphæð í einu en 300 krónur, nema henni sé sagt upp með tveggja mánaða fyrirvara.

9. gr.

Sparisjóðurinn lánar fé gegn vöxtum og góðum tryggingum. Vextir greiðast fyrir fram af víxlum, en af föstum lánnum skal gjalddagi vaxta og afborgana vera 1. nóvember ár hvert.

Dragist vaxtagreiðslur fram yfir áramót, falla dráttarvextir á vanskilavextina, 1% fyrir hvern byrjaðan mánuð.

10. gr.

Kvittanir og aðrar yfirlýsingar, sem gefnar eru út í nafni sjóðsins af formanni hans eða féhirði, eru skuldbindandi fyrir sjóðinn gagnvart viðskiptamönnum hans.

11. gr.

Upplýsingar um innstæður viðskiptamanna verða ekki gefnar óviðkomandi, nema skylt sé að lögum.

12. gr.

Um þau atriði, sem ekki eru tæmandi ákvæði í samþykktum þessum, fer sem fyrir er mælt í gildandi landslögum og reglugerðum um sparisjóði, eins og þau og þær verða á hverjum tíma. Skulu lög þessi og reglugerðir jafnan liggja í skrifstofu sjóðsins til athugunar.

13. gr.

Fundargerðir um sparisjóðsmál, svo og ársreikning sparisjóðsins o. fl., skal jafnan innfæra í gerðabók sparisjóðsins.

Samþykktir þessar staðfestast hér með.

Viðskiptamálaráðuneytið, 14. júní 1944.

Björn Ólafsson.

Torfi Jóhannsson.